

9 Hvthvyvtke e tvrpnv ocit ayit, uehvtkv hopvye mahen likvyisem;

10 Mvt o estomis cenket ev yvpvyvres, momen cenkvpervt ev hvlvtvres.

11 Mehenwvn yomucket ve vyokkofvres, makin omat, nere tis hvyayvket vm vfolotet omvres.

12 Henka, yomucke naken cem ehhekos, momis nettv omet nere hvyayvket omes; yomucke momen hvyayvke tepakat momvlkuset *os ce homv*.

23 Ve ofvn ev hopoyvs, Hesaketvmese, momet ev feken kerrvs, ve ohfvceevs, momet vm vkerrickvn kerrvs.

24 Momet heevs, vretv holwvke ve vpiken omat, momen vyetv emeyuksv sekon ev yvpayet '*svc vyvs*.'

---

KE-RAKKO EM VPE.

6 CESVT heyv opunvkv-svhopakvn es ete'm punayvtes. "Este-hunvwnv hvnket ke-rakkon eme cvpofv ofvn vhocet oevtes. Emet vlaket, momet em etten vhopoyvtes, momet sekon heevtes.

7 Momof eme cvpofv-vfastvn kievtes, Heevs, heyv ohrolope tutcenat heyv ke-rakko em ette vhopoyvyat vlakit omis, momet sekon hecis. Tvevs, estomen ekvvnv yvmahke haks?

8 Momen emet em vyoposket kievtes, Pucase, heyv ohrolopen hvtnv wikvs, vnakvn korrit, vlekwi-cares.

9 Momen em ette hayen omat *heres*, momen monkon omat, mv eryupvn tacetskvres."

Vn hesse, cemet ke-rakko Hesaketvmese eme



cvpoivn hueret ometskes. Momen Hesaketvmese  
 cvpofv Pucase tes. Mvt yvny ekvny ofv ce hueri-  
 cet omen, opunvkv-herv vhesaketv Cesvs es vlakvte  
 pohet ometskes. Obrolope omvlkvv Hesaketvmese  
 fvccetv em etten hayetskvren cem etektvncet omes.  
 Heyv ohrolopet es cen poke tis omepēs. Heyv  
 nakcokucet espoke em penkvke ofv hueretskat, ce  
 mvhayat tis omepēs. Momet omekv, oketv cem  
 etektvnce munkof, mekusapv hakvs; mometsken  
 omat, nettv espoket vlakof, ece'fvcke tares.

### NETTV ESPOKE.

CESVS estvn hiyomat like te? Hesaketvmese em  
 akvpervn likes, momis pu heces, ekvny oh fulleyat.  
 Mekusapeyat pum pohes, epu'nokecet, pum emeku-  
 sapet omes. Cesvs yvny ekvny hvtyv vlakvr haks?  
 Henka! hvtyv 'rvlvkvres nettv espoke omof, ekv-  
 nyv ohfvcccvranet.

Estuce 'stemarkuse hotosuse ont, hvtvm 'rvlvh-kekos. Hvtvm 'rvlaket yekeetv, afvcketv rakken ocet vlvkvres. Nettv espoke omof, em estvlke veacakat vpaken vlvkvres, momof em afveketv aheckuecvres, haketv hakof. Momen este-hopelkv omvlkvt en haukvkvres, momen omvlkvt pvsvtkakvte e homvn svpvklvres. Cemeu nettv espoke rakkat omof, aretskvres, momof ekynv totkv es nokrvres, momen sutv holattat omvlkvt sumkvres. Mv nettv rakkat omof, Cesvt este em puyvfekev omvlkvn ohfvceevres. Momis estimvt vnokeevt on omat, kiecvres, "Eceyvs cen Hesaketvmese em afvcketv ofvn." Momis vnokeevkekate, momet holwvyecakvte totkv-rakkon vk hvtypeevranes, nettv espoke orof. Cesvs hocefkv eteropotten Hesaketvmese emekusvrvks. Hiyomofvn vkvsvmatsket on omat, cem puyvfekev hesakvres makvtet os.

Cane en Kerkueekv 20:11. "Momen mekko-em-ohliketv rakke hvtken hecvyvns, momet oh likateu; mv ehomvn ekynv hvlwe esyomat em vkueyevns, momen estvmvn fekhonne tayat sekvnses.

12 Momen pvsvtkat lopoekuse rakrvke esyomat Hesaketvmese ehomvn svpaklen hecvyvns; momen nakcokv en hauhakvns. Momen nakcokv etvt en haukvns, mvt hesaketv nakcokvt; momen pvsvtkatat mv nakcokv es cokvte aossen ohfvceakvns em vtotketv take vevkvyen.

13 Momen uehvtkv pvsvtke vk ocvte a wikvns, momen elkv totkv-rakko tepakat pvsvtke ocakvte a wikakvns, momen este vtekat em vtotketv take vevkvyen ohfvceakvns.

14 Momen elkv totkv-rakko tepakat vkhvse-

rakko totkvn vk pvlatkvnks; heyvt elkv svhokkolat tes.

15 Momen estimvto estomet nakcokv hesake ofvn es hoccekon omat, vkhvse-rakko totkvn vk pvlatkvtes."

Cane en Kerkueckv 21 :10. "Puyvfekev ofvn cv vpahyet, ekvnhvlwe rakke mahen 'res ve veemiket, mv tvlofv rakkat cv hecievnks, Celuslvme tvlofv vca-kat hvlwen a hvtapken Hesaketvmese a en kvpaket.

11 Hesaketvmese en hvyayvke ocet, momen en hvyayvket cvto veake mahat, momet cvto caspv omet, estakheckv en hvyayvke omet.

18 Momen mv em vtohopke caspv es hayvkvttet, momen etvlwv evtokunaplane mvketeket, estakheckv en hvyayvke omet omvnks.

22 Momen emekusvpkv-cuko mv ofv hecvkvns, Cehofv Hesaketvmese, yekcetv omvlecat, momen Yvpefikucet emekusvpkv-cukot omekv.

23 Momen mv etvlwv hvse, monkat hvresse tepa-kat ofv hvyayicvre eyacekot oh hvyayicekot omvnks. Hesaketvmese en hvyayvket oh hvyayicet omekv, momen yvpefikucet mv en hvyayvket omekv.

24 Momen Tvlwvvlke hesahokat en hvyayvke ofvn yvkvpkvres.

4 Momen Hesaketvmeset eturopuswv eturwv en hvsvthievres, momen efeknokketv, hvkihketv, elkv tis svnvcomv sekares, nake en homv ocvnke eshojv-nepekv.

25 Momen *tohopke* em vhauke nettv estofis vk-hotkvtv sekares, nere sekot omekv.

27 Momen nake esvholwvyecat, estomet eceyeko tayet omvres. Monkat holwvke este laksvlke vtot-

kat, monkat lvksetv hayat, holwvyeevlke esceyekos,  
momis Yvpefikuce en nakeokv hesake 'soh cokakat  
esceyvres."

HESAKETVMESE ESTOMIS HVMECICET OMES.

1. NERE yomucke herat tis,  
Hvmket arvyat hece haks?  
Henka, Hesaketvmeset  
Neren nettv omen heces.
2. Eturwv omvl' nucicof,  
Este vm vnvttceekat,  
Nak' mecetvn komvyate,  
Mvn momecvko taye haks?
3. Hekos, Hesaketvmese  
Est' vketece munkvt os.  
Est' em puyvfekev omvl'  
Mvt heren kerre munkvt os.
4. Vnrwv este vrvte  
Sekan 'rorit, mvn ehkvyis,  
Mvt o estomis vn tvlkeks  
Cehofvt vm afolotes.
5. Hvlwen afvcket liket os,  
Totkv-rakko tis hecet os,  
Estomis hvmeccicet os.  
'Stomen en letkvko tayas.
6. Momis letkvye tayet os,  
'Stvn vyetvn cv kerrices,  
Cesvn oh letkvs, cv kices,  
Heren ve vcayeevres.

## HOPORRENKV PUNVKV.

1:5 ESTE hoporrenat pohet, nakkerretv ohvtv-laves.

1:17 Cehofv em penkvkvt hoporrenkv vliceekvt omes; momis este hoporrenvkekat hoporrenkv herat, momet nake emvahoyat em vlostekot omes.

2:6 Cehofvt hoporrenkv herat emet omekv.

3:5 Cehofvn vfekrvkkvs ce feke 'somykvn.

3:7 Cehofvn em penkalet, holwakan en kvpkvs.

4:14 Estę holwvyeev en nene vpihketskvs, momet este holwvyeevlke em vpeyetv vhyetskvs.

4:23 Ce feken omvkvv vketeeet, vevyeevs, mv aossen hesaketvt omekv.

10:12 Holvckvt etehvkv hayet omes; momis vnokeekvt holwvyeekv omvkvv ohranet omes.

10:23 Este hoporrenekat naorketvt es em afvketvt omes; momis este-hunvnwv nak' kerrat hoporrenkvv ocet omes.

12:19 Cukhrpe faccat estofis oce munkv tares, momis etulaswv laksat vkocoknusen omes.

14:9 Hoporrenvkekat naorketv nak' hayakekot omes.

15:3 Cehofv e turwv hymecicet omes, holwakat, momet herat hecet omes.

16:18 Ekvsymkvt sumketv ehomvn ayet omes.

16:28 Este-hunvnwv holwvyeev etehvkvv aho-cet omes, momen este en wvswakvt eten hessvlke rakrvken etekvpicet omes.

20:4 Hopnewuce tis nake vfastat es kerket omes, em vtotketv hvsvtke tat, momen fvcev tat.

20:13 Nuckv vnokehceetskvs, estemerkv em vlah-ke witetskes; ce turwvn en hwweevs, momen tvklike cem etetayvres.

22:6 Hopuewuce vye tayan emvhayat vfvstv, momen emet vculis emet en kvpahkekos.

## S A T K V.

NAKCOKV here oh onvyeyvre vrahkv, satkv cokv ofv ocat vtekat omvkvvn kerrvraneyet omes.

Lvtv etohkvklat punvkvvn hayet omes.

Punvkv etohkvklat svntvns hayet omes.

, Heyv satkv kame kicetvt omes, momen *a* maketv en hofune omen fekhonnetvt omes.

; Heyv satkv semvkolvn kicetvt omes, momen *a a* maketv en hofune omen fekhonnetvt omes.

: Heyv satkv kolvn kicetvt omes, momen *a a a* maketv en hofune omen fekhonnetvt omes.

. Heyv satkv pelevt kicetvt omes, momen *a a a a* maketv en hofune omen fekhonnetvt omes.

— Heyv satkv tas kicetvt omes, vhofune fekhonnetvt omes.

- Heyv satkv hifen kicetvt omes. Heyv satkv opunvkv hokkolen etenrvwvn ocet omes, hvvket opunvkv es wakke hvvke eyuksvt on, hvvkat enhvteceskv on omat, momet opunvkv hokkolen etehvltet hvvkusen hayet omes. Hiyome, svtv-rakko.

' Heyv satkv cokv, monkat lvtv hvvket sekak kerkuccet omes. Hiyome, nak'.

" " Heyv satkv opunvkv cokv etv aosse tat eskerkv opunvkv eslikv ehomvn eyuksvn tepaken ocet

omes. Monkat este tis ete'm punahoyen omat, este nak' makat vtekat enhvteceskvn eyuksvn tepaken ocet omes.

! Heyv satkv opunkv, monkat svntvns eyuksvn ocet omes; vkerrickv ayvkhvmkv eskerkv, momet hvtyv vhofune fekhonnetv eskerkv omes.

? Heyv satkv nake vpohetv eskerkv omes.

& Heyv momet, monkat momen maketvt omes.

&c Heyv momen vpvlvv maketvt omes.

( ) Heyv satkv opunkv etenrvwvn svsekket omes; opunkv vpvlvvn kerkuacet omes.

\* † ‡ Heyv satkv, heyv cokv eleevn naket ocat eskerket omes.

Svntvns vliceetv, momen este hocefkv, etvlv hocefkv, hvse hocefkv lvtv rakkaten ehomvn licetvt omes. Hiyome, Cane, Rekackv, Uecate, Hvyuce, &c.

Coyetv kerretv ekvnv oktahan tveksvheet etokvcken es coyetvt heret omes.

## ERKE EPPUCETAKEU.

CEPVNVKE hokkolet welakvtes, eckvlke emekusapvlket omēt, enake ocvket omvtes. Momen heyv cepnvke esvllleckv-pvfnvn vtehkēt welvketvn eyacvke tates, Nettv-Fekepkn, momis eckvlket em vkvsvmekates.

Estvtis welvkekot kaken Nettv-Fekepkv orekv, Nettv-Fekepkv estomis esvllleckv vtehkēt welvkeyo tayes makaket omis, eckvlket en komeko tetayvtes. Erke vhakv esostan vkerricat, Vntvlkuset Hesaketvmese en nettv vcayecvranin okekates. Momis



evpucetake, evchustvlke, vm vtotkv-hunvuwv, vtotkv-hokte tis, momen vm wakvlke tis, mv nettv fekv-pvranen okvtes, komvtes.

Momekv en cepvuvke nake em 'pohakat em apohievkekates. Momusen evpvkhokvtes, momet pume komeyat welakeyvres komakvtes. Momusen uehvtkv perro vk etefullan vhojepvtes.

Momen sumhokateh, erkenvkv, Cane Kefen kihocet, uehvtkv afopke like tatet on, mvn en kerkuehocvtes, hopoyet, eshecen omat afulhucetvn komvren kihocvtes. Momekv hopoyet aret, perro 'mehake este vpokan kaken eshecvtes. Momusen ete'm punayvtes, "Fulhokatskat mit cen hervke tayet os," kicet, momis ehvperkv punayvtes. Nake komakat mit 'sohfvkvren vyekevke tates. Momekv heyv erkenvkv opunvkv herakuse 'sem punayat Momen oks komaket omis, Mohmeyetvn okhos komvkekates. Yefulhokepvre komat em vcahne munkvtes. "Ceckvlke em vkerrickv em vhopanuset seho-

ket omatskes," kievtes. "Vkerrihevkes," erkenvkv  
kievtes, "Cecketake ece 'hecievket, cem emekusa-  
pvken, ohrolope sulket hoyanes. Momen hiyomat  
em vtotketv tate sohfvcken es afvekvkvravte mun-  
kan, estemerkv min e oh vlvkuecatsken hecat, este-  
merkv rakke mahen cecke mahvkvu en heckuecet  
omatskes, kievtes. Nake 'se naorickv sulke estvma-  
hen ee oh sumecievket omat, en feketv hiyomen es  
em feket omatskes," kievtes.

Hvmmaket ete'm punayof esmvenettusat, Mon  
okhos, kont, momusen efeke en kaffen hykihkvtes.  
"Tayen vm mvttet huerit omvyvtet kerris, momen  
cv feke vm vhopanus" makvtes. Momet fulkepetv  
vkvsamusvtes.

Momis 'svculicusat vyetv vyeke here munkvtes,  
opunvkv herakuse 'sem punayet estomehoceko tayv-  
tes. "Escvllleckuce vm encahokvnks, momen uehvt-  
kvn vyetv komvyvnkekv, vyvranvyat tvlkus," ma-  
kvtes. Momet, "Vnen ve vcvk vtes, cv huden, mo-  
men perro-cuko tis vpikit, este somusis vretske tayen  
cen heckuecares" kicet omis, momeko tayvtes. "Cvc-  
kvket perro-oh-vtotkvke ont sumkvnks cv komv-  
kvren komikv, perro-oh-vtotkvke omet vyepares,"  
makvtes. "Momet cem vkerrickvt on omat, vyvnos  
ce," erkenvkv kievtes. "Hesaketvmese ce 'pakvres  
ce kicet omis, cen naorketv tat ce cakke ocvres. Mo-  
men Hesaketvmeset cen naorketv esvrahkvn ee oh  
fvceevres," kicet, momusen en kvpakvtes.

Momis e euse tat eckvlken ohfulkepvtes. Mo-  
mis e rvhv estvn ayat kerkekok' estvn elepvtes,  
komboyvtes.

Momvte hofune hakof, mv erkenvkv vhauken a